



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Expositio Cavsarvm Quibus S. R. M. Sveciae bellum à
Rege Regnoque Daniae sibi illatum, etiam post Pacem
Roschildiae initam, continuare coacta fuit**

Coyet, Peter Julius

[S.l.], 1658

Lit. DD. Diploma Regis Magni in eodem negotio.

urn:nbn:de:hbz:466:1-10534

& assensum tribuisse, obligantes Nos omnes, & nostrum quemlibet, hæredes nostros, & successores eorundem, & nullum in Regem Daciæ eligamus, vel in principem assumamus, aut in Regem & Principem aliquo colore seu commento callido quæsito eligi vel assumi procuremus nisi prius juret & promittat, quod statim ac in Regem electus, aut in Principem assumptus, confirmet, seruet & teneat omnia & singula, placitationes, & literas, omnes, & singulas super terris omnibus nominatis superius & earum qualibet, factas, & hanc placitationem & finalem concordiam concernüt, cum omnibus & singulis earum clausulis & articulis, quæ in literis dictarum placitationum & hujus finalis concordiaë ubicunque confectis, plenius continentur.

Promittimus etiam sub fide nostra & honore ac successorum nostrorum & hæredum, quod si præfatus Dominus noster Rex Waldemarus, ejus hæredes vel successores ad Coronam, vel Regnum Daciæ qualitercunque venientes, prætextu Juris Coronæ Regni Daciæ, ad proprietatem temeritatis audaciæ insurgentes, seu eligentes, contra præmissa, vel eorum aliquod venerint vel venire attentaverint, statim Nos, hæredes nostri & successores eorundem, cum amicis nostris omnibus, aliisque amore nostri facere quicquam vel omittere volentibus, sæpe dictum Dominum Magnum Regem Sueciæ, successores suos, & hæredes, sub præmissa fidei nostræ sponcione, efficaciter & fideliter Juvabimus, contra ipsum Dominum nostrum Regem Waldemarum successores suos & hæredes. In præmissorum evidentiam & testimonium, Sigilla nostra, una cum Sigillo Domini nostri Waldemari præsentibus apponentes. Actum & datum in castro Wardbergh, Anno Domini M, CC C, XLIIJ.

Lit. DD.

Diploma Regis Magni in eodem
negotio.

UNiversis præsentis literas videntibus vel audituris, Magnus Dei gratia, Rex Sueciæ, Norwægiæ & Scaniæ, Salutem in Domino sempiternam. Quantis est plena periculis æmula pacis discordia, jam non solum ex prisca dudum colligimus serie, verum etiam quam brevi manu ad id attingimus, quam in se perplexa sit præterquam quod onusta dispendiis crebra Guerrarum adjecta, quæ gravi concussionis pondere luctuosa cumulant incommoda subditorum. Procul igitur eliminanda est Guerrarum occasio, & alumna bellorum sæva dissensio radicitus extirpanda, ut quæ ad pacem fuerint bene ordinata effectu non careant, cum cognoscantur habere profectum salutarem. Hinc est quod tenore præsentium no-
cimus

emus uniuersis, quorum interest vel interesse poterit in futurum, quod
 Nos Anno Domini 1343. in octauis beati Martini Episcopi cum magnifico
 Principe Domino Woldemaro, Danorum Sclavorumque Rege illustri,
 & Duce Estonia, Consanguineo nostro charissimo, in castro nostro
 Vardberg presentibus Consiliariis & Potioribus Regni nostri Sueciae placitauimus
 & concordauimus in hunc modum: Primo quod inter eundem
 Dominum Woldemarum, Regnum suum, terras & dominia, hominesque
 & subditos suos quoscunque, parte ex una, & Nos, Regna nostra,
 terras & dominia, homines & subditos nostros quoscunque, parte ex
 altera, firmae pacis sinceritas, & indissolubilis concordiae stabilitas
 perpetuis temporibus inuolubiliter obseruentur, sedatis totaliter omnibus
 & singulis controversiis, discordiis, rumoribus & guerrarum
 disturbiis, hinc inde, huc usque qualitercunque & quibuscunque
 causis motis & subortis. Item si ardua nimis & difficultate pleniter
 eundem Dominum Woldemarum Regem & Nos, ac utriusque
 nostrorum successores vel haeredes, emerferint negotia statum Regnorum
 nostrorum, aut successorum vel haeredum nostrorum honorem seu com-
 modum summe tangentia, crimen, ut puta, laesae Majestatis, castrorum aut
 terrarum prodicionem, vel eorum consimilia, ex tunc tres assumantur Episcopi
 & totidem milites & militares prudentiores ex quolibet Regno Sueciae
 & Daciae, qui infra duodecim septimanas a tempore quo Principi ueleius
 locum tenenti, seu tenentibus, per duos Consiliarios partis aduersae, queri-
 moniae fuerint intimatae Helsingborg convenientes, Praedictas causas ad
 ardua negotia Regum & Regnorum diligenter examinent, fideliter tractent,
 & finaliter terminabunt; et si inter se concordare nequiverint, tunc
 duos discretiores ex se ipsis vel aliis unum uidelicet Svecum alterum Dacum
 super Juramento & conscientia eorum eligant, qui quidem duo sic electi,
 omni amore & odio prorsus semoto, huiusmodi negotia ibidem terminent,
 & definiant, suo postmodum super hoc ad Sancta praestito Juramento, quo-
 rum definitioni & terminationi absque quavis displicentia & contradic-
 tione, utraque pars debet contentari, pace nihilominus & hac finali concor-
 dia in suo pleno vigore & robore in perpetuum duraturis. Item si casus
 aliqui minus graves superius positi, inter Regna Nostra utriusque
 Nostrorum successorum, vel haeredum, seu subditos evenire contingat,
 adeo graves quod Nostrum, vel eorum successorum, aut haeredum advocati,
 seu iurisdictiones vel iudicia exercentes tales casus terminare, vel ad con-
 cordiam reducere nequiverint, tunc Princeps coram quo delata est
 querimonia, duos de consiliariis suis ad hoc specialiter deputabit,
 qui huiusmodi negotia ardua Helsingborg intra duos menses a tempore
 delatae querimoniae coram Principe terminabunt, & fideliter concordabunt.

bunt, pace nihilominus & hac finali concordia perdurante. Item si subditos utriusque nostrorum successorum, vel hæredum nostrorum, unius vel alterius in aliquo Regnorum nostrorum seu Dominio contingat delinquere, adhuc flagrante crimine, secundum leges Patriæ, in qua quis eorum delinquit, pro delicti qualitate punietur, pace ut præmittitur nihilominus valitura. Item si subditi unius vel alterius nostrorum, nostrorum successorum, vel hæredum, in advocatos, officiales, aliosve honores alterius nostrorum super rebus vel personarum injuriis conquerantur, teneatur Dominus Rex, ve ejus advocatus, ubi delinquens esse dignoscitur, infra certum tempus, ex quo querimonia coram eo delata est, justitiam facere conquerenti, secundum leges patriæ & consuetudines approbatas; Nec advocati seu officiales prædicti causas sive casus coram eis delatos à se aliquo modo removere possunt, nisi adeo graves fuerint, quod eorum jurisdictionem non attingat, prout superius annotatur, pace nihilominus duratura. Item neuter nostrum sive successorum sive hæredum nostrorum aliquis alterius inimicos vel adversarios publicos colligat, defendat, seu quovis modo foveat, vel in suis Regnis, terris, vel dominiis recipiat, aut sustineat, infra sua dominia aut territoria commorari, in præjudicium, gravamen aut damnum alterius nostrorum successorum vel hæredum nostrorum, seu etiam subditorum. Nec nostrum alter, hæredes nostri, vel successores amicitie sædus ineant, seu colligationes faciant, cum alterius nostrorum successorum, vel hæredum inimicis, vel adversariis publicè vel occultè, ex quibus damnum & jactura in rebus vel personis alicui nostrum, hæredibus nostris, vel successoribus seu subditis poterit evenire. Item uterque nostrum, successores nostri & hæredes ad hoc efficaciter cooperabuntur, quod prædones & piratæ ex Regnis nostris & Dominiis procul eliminentur, ut mercatores & alii navigantes in bonis libera pace perfruantur, nec ipsos prædones vel piratas aliquis nostrum, hæredes nostri, vel successores colligant, sustineant, vel quovis modo foveant, contra Regnorum nostrorum vel nostrum commodum seu profectum subditorum. Item in aliquo Regnorum nostrorum seu Dominiis passi naufragia res amissas liberè absque impeditione quorumlibet, recolligant, & recuperent, quamdiu pro derelicto non habuerint res præmissas. Item circa exules & expulsos vel timore ex uno in aliud Regnorum nostrorum seu Dominiorum fugientes antiqua consuetudine in Regnis ipsis & Dominiis observeretur, dummodo nihil molestiæ, aut gravaminis intulerint Regno, vel regnicolis unde exularunt: Item omnes & singuli, cujuscunque conditionis aut status existant, bona in utroque Regno habentes, liberè gaudebunt iisdem et servient de istis bonis, sicut in eisdem Regnis juris ac consuetudinis fuerit antiqua

quæ. Item volumus firmiter statuimus, ut omnes & singulæ Placitationes & literæ, per dictum Dominum Regem, & quoscunque alios, Nobis datæ aut Nobiscum habitæ, super terris Scaniæ, Hallandia, Bleckingia, Lyfter & Insula Huæn, in suo pleno vigore & robore, per hanc nostram placitationem & finalem concordiam, in nullo penitus diminutæ vel debilitate sed potius redintegratæ & de novo roboratæ ac firmæ sint, ac in perpetuum stare debeant & durare. Cæterum quod præmissa omnia & singula, quæ à Nobis & a sunt personaliter, illibata servare ac tenere & non contravenire per Nos vel alium aliqua occasione, vel causa de jure vel facto debeant, promittimus bona fide, & sub honore nostro; Et ut majorem habeant roboris firmitatem, volumus & expresse consentimus, nostro, successorum & hæredum nostrorum nomine, quod contra ea, vel eorum aliquod, (quod Deus avertat) Nos, successores, vel hæredes nostros venire aliquo modo contingat, fidejussores & compromissores nostri infra scripti, hæredes & successores eorum de eo ipso, absque displicentiæ & ingratitudinis nostræ, successorum & hæredum nostrum nota, se bonis successoribus & hæredibus nostris possint & debeant hostiliter opponere, & præfato Domino Regi Woldemaro, successoribus & hæredibus suis, contra Nos, successores nostros & hæredes, efficaci juvaminis firmiter & fideliter cum omnibus amicis suis aliisque amore eorum quicquam facere aut omittre volentibus adhærere, donec eidem Domino Regi Woldemarum, vel successoribus & hæredibus suis per Nos vel successores nostros & hæredes, propterea plenariè fuerit satisfactum secundum justitiam & amorem. In quorum omnium evidentiam firmiorem sigillum nostrum præsentibus est appensum. Nos insuper, Petrus Lundensis Archiepiscopus Sueciæ primas, Siggo Scarenensis, & Frenderus Stengenensis, Dei Gratia Episcopi, Henricus Abbas de Saba villæ Scheminghen, Ivarus Ingemundson, Laurentius Ulfsson, Gostanus Tunesson, Canutus Folckelton, Carolus Tygeffon, Carolus Naskoningson, Vlfo Albiornson, Vlfo Gudmaïsson, Amundus Sture, Amundus Svenisson, Tucho Gliffing, Laurentius Carlsson, Magnus Knudsson, Siggo Magnussion, Israël Bygeffon, Gostanus Arvidsson, Bytgerus Magnussion & Laurentius Magnussion, milites, ac Johannes Christenson, armigeri, fidejussores & compromissores Domini nostri Regis Magni prædicti, pro præmissis omnibus & singulis firmiter & inviolabiliter observandis, una cum Domino nostro Rege supra dicto promittimus, bona fide & sub honore nostro, successorum nostrorum & hæredum: Quod si præfatus Dominus noster Rex Magnus hæredes sui vel successores ad Coronam & Regnum Sueciæ qualitercunque venientes, prætextu juris Coronæ Regni Sueciæ, aut propriæ temeritatis audacia, contra præmissa, vel aliqua præmissorum venerit vel venire attentaverit, statim Nos, Successores nostri & heredes cum amicis omnibus nostris aliisque

amore nostri quicumque facere vel omittere volentibus, saepe dictum Dominum Woldemarum Regem Daniæ, Successores suos & hæredes sub præmissa fidei sponione, efficaciter & fideliter iuvabimus, contra Dominum nostrum Regem Magnum prædictum successores suos, & hæredes in præmissorum evidentiam & testimonium, sigilla nostra cum sigillo Domini nostri Magni Regis prædicti, præsentibus apponentes: Quamvis autem per viginti quatuor compromissores, & unum super arbitrum pro utraque parte, per Nos utrumque Regem adhuc eis plena autoritate data, specialiter assumptos & electos hujus finalis concordie tractatus Helsingborg initium haberet, & processum aliqualem, veruntamen propter quædam incidentia utilius & magis expediens videbatur, eadem omnia & singula, quæ perpetuæ pacis & finalis concordie soliditatem respiciunt, ut utraque parte præsentem, scilicet Domino Rege præfato, ac nobis & utriusque nostrorum Consiliariis & Potentioribus plenius & perfectius discuterentur, ad finem debitum ordinanda, unde ejusdem compromissi forma non attenda, per viam & modum amicabile Compositionis, per omnia hujus perpetuæ pacis & finalis concordie placitationem loco & termino prænotatis, hoc est Warbergæ in octavis beati Martini, ut præmittitur, duximus terminanda. Actum & datum Anno, die & loco supra dictis.

Lit. E E.

Transactio Procerum Scaniae cum Magno Rege
Sueciae, in qua limites Regni Sueciae
constituuntur.

Universis præsentibus literis inspecturis Petrus Lundensis, & Hemmingus Upsalensis divina miseracione Ecclesiarum Archiepiscopi, Petrus Lincopensis, Siggo Scarenis, Frenderus Strengenensis, Odgyfilus Arosiensis, Henningus Aboensis & Boetius Vexionensis Ecclesiarum eadem miseracione Episcopi, Johannes monasterii Sanctorum omnium in Lundis, Ragnaldus in Alvaastro, Sueno in Hergede, Vinmarus de Varnhem, Andreas de Sintli, Folcho de Novavalle, Michael de Blackaskog, Henricus de Sabå, N. de Thomatorp & Andreas de Asylo Abbates, Petrus Dalbiensis, & Godefredus de Ekilstuna Priores, nec non Capitula Ecclesiarum cathedralium & conventus monasteriorum prædictorum, Salutem in Domino sempiternam. Cum regnum Sueciae & terra Scaniae ita legaliter & indissolubiliter unita sint & conjuncta, quod unum de cætero regnum censeferi debent perpetuis temporibus, ac unius Regis præsidio gubernari, sicut patentes literæ & manifesta instrumenta super hoc edita lucidius docent & declarant: